

Все бо боги мои суть, узриш, что не мертвы.  
Друзи, мы Димитрия на сем месте сядемо,  
Посадивши честно в свояси идемо.

Явление 4-е

Димитрий

Всеведущий, всемогий, милосердый боже,  
Тайны твоя советы кто прозрети може,  
Како зде аз избран есмь Солунь управляти,  
Како и когда бога дерзну почитати.  
Разве ты, бога иста, иного не знаю,  
Твое, боже едины, имя почитаю,  
Како буду противник тебе, богу исту,  
И поклонюся когда идолу нечисту,  
Да исчезнет сатана в веки поруганный,  
Ты ми едины, боже, буди почитанный,  
Тебе поклоняюся, тобою хвалюся,  
Верен есмь яко, боже, тобою спасуся.

л. 12 об.

Воит

Великий воевода, посажен зде славно,  
Имя твое, Димитрий, в поднебесной явно,  
А наипаче во стране нашего народа,  
Идеже еси избран новый воевода,  
Се мы достодолжные дары ти приносим,  
Жалуи нас, ти подданных, всеусердно просим.

Димитрий

Милость бога моего со мною и вами.  
Всегда же да пребудет неотступно с нами,  
Бог щедрит и милует, даст благим благая,  
Злым же всегда подает за злобу их злая.  
Имя ти како имаш?

Воит

Леоном есмь званный  
В граде Солуне воитом есть именованный.

Димитрий

Тебе же како имя?

Бурмит

Аз Марка есмь грешный  
Солуня града в службах ти поспешный.

Димитрий

Кого знаешь бога силна у нас быти?

Воит

Изволишь по милости своей спросити?

Димитрий

В кого ты веруеши, кого знаешь бога?